

Toën Ledder

Vers:

ôs blaoskepèl haet altièd de gooijen Toën
want Tuuënke Ledder speelt zoë schoën
laot um maar schuuve dae kint d'r gans veur gaon
hiel muzi-kwant op zien schuuftrômbaon
hae bluuës zien lederhoos haos oèt de naod
zien bolle wange in de maot
en auk zien oère toète allebei
jao Toën haet alles mei

Refrein

Tuuënke van de blaoskepèl
is de schönste van 't stel
Haet ze hiel good op ein riej
Tuuënke solt neet met mi
zaachte g met hoëge c
dao de gooie stumming beej
dan is tuuënke op zien bes
träöt maar ens met um mei
dan zit Tuuënke met de res
op ein gooie wei

Vers

As Tuuënke Ledder de gooije stumming haet
is hae de meistro wie me zaet
zien vette toëne gaeve det fiësgeveul
dan gaon de luuj baove op de steul
met polonaise ore achterein
in eine lange zaolentrein
met Tuuënke Ledder löp det wie gesmaerd
dae bluuës zich van de gaert

Vers

auk tuuënke ledder woort zoemaar knats verleeft
en veel op mi want det klônk leef
maar och die leefde die deurde neet zoe lang
mi had vuul noëte op de zang
't bloos de pleitmars met de stille trôm
en tuuënke kuumde en reep ôch kôm
det haol ik mich nae noeits miër op d'n hals
det waas ein bietje vals

(CD: "Leef minse leuke luuj")